

de Barbaria: che havendo fato quel danno el corsaro de prender el capitano del Golfo et la galla bastarda, però hessendo li in Sicilia, o dove el possi, inquerissa se esso corsaro è a Zerbi, et hessendo de li non debbi per niun modo andar a contratar alcuna cosa li a Zerbi, il che saria con vergogna nostra, ma quella scala sia batalada in quel caxo, hessendo in libertà con el Consejo di XII de andar in una de do scale, o a porto Magro o a cao Maserata et star li tanti zorni, quanti doveano star a Zerbi, *ut in litteris*, et questo ordine nostro lo debbi exequir.

Item, una letera a sier Pandolfo Contarini patron de la barza, va con ditte galie, et se tien sia ancora in Histria: come se manda una barca a posta, con lettere al capitano de Barbaria, et se li manda la copia, pertanto zonto el sii in Sicilia, daga la letera al capitano, et *etiam* lui non vadi a Zerbi. Ave: 155, 5, 3. El fo spazà una barca la sera con ditte lettere. Et venuti zoso vene uno grandissimo temporal de pioza.

In questa matina, in Colegio, segulte che sier Lunardo Emo savio del Consejo, contra sier Alvise Mozenigo el cavalier, *etiam* savio del Consejo, *coram Principe*, si disseno grandissima vilania.

Die 5 Julii 1533. In Rogatis.

*Ser Franciscus Donato eques,
Sapiens Consilii.*

*Sapientes Terrae firmæ.
Sapientes Ordinum.*

Essendo ocorso el dispiacevol caso de la perdita de le due galie al Sasno et presa dil capitano nostro in Golfo da le fuste di corsari, et dovendosi senza dilatione proveder a la securità et custodia de quello, però:

L'anderà parte, che in bona gratia, per scurinio de questo Consejo, sia fata electione de uno capitano nostro in Golfo, qual haver deba ducati 30 al mexe da lire 6, soldi 4 per ducato, per sue spexe neti, siehè de essi non habbi a render conto alcuno; possi esser electo ciascuno, *etiam* che sia in capitaneato, over che fusse sta electo a quello et ogni altro ofitio over rezimento de la Signoria nostra, si da mar, come da tera, et ogni altro che fusse in contumacia; meter deba banco doman 8 giorni, che sarà a 13 dil presente, et partir con le due galie, qual al presente sono a banco, con

quela mazor presteza sarà possibile; et haver deba ad obedientia sua galie 10, computata la sua, da esser deputate per il Collegio nostro. Al qual capitano che sarà electo, per più presta sua expedition de qui, sia consignata la galla qual hora se dia mandar al proveditor de l'armata, al qual proveditor sii proveduto de una altra. Et non se intendi presa la parte se la non sarà posta et presa nel nostro Mazor Consejo.

De parte 98

Die 16 dicto. In Maiori Consilio.

Posita fuit per Consiliarios et Capita presens pars, et fuerunt:

De parte	1238
De non	52
Non sincere	1

Da Milan, di l'orator Basadona, di 23 1271)
Zugno, ricevute a di 28 ditto. Come in le lettere di oratori de questo signor, da Barzelona, non se contien altro de quello scrissi, et io avi dal nostro orator Contarini alcune particolarità de le noze di questo signor, *unde* parlai al duca, al qual con effeto non se contenta in tutto de haver la nepote seconda de Cesare per moglie, dicendo Sua Maestà se portò mal a cambiar de darmi la prima sua neza, volendola maridar nel re de Scozia; ma non sarà nulla. *Item*, de la differentia dil fiume de Oio, disse li pareva non fusse bene vi intervenisse nè brexani, nè cremonesi, azio la cosa se ultimasse. Poi parlò dil credito nostro, dicendo di 20 mila, fato sia el contrato col Grimaldo farò prometer 10 milia questo anno et 10 milia un altro anno, et de li 56 milia vol far certa scrittura, dicendo vedete in quanta miseria se trova questo Stato; et che me manderia la ditta scrittura.

Dil ditto, di 24, ricevute a di 28. Stando aspetar el conto over scrittura de ducati 56 milia, me dovea mandar el duca, qual hauto la mandava ai signori Capi dil Consejo di X. Sono lettere di 17 dil secretario Robbio apresso sguizari di Lucerna. Scrive la figa se concluderà con el Papa et imperator et quei Cantoni, ancor che Franza obst molto, dandoli però a quella nation fiorini 24 milia a l'anno, zoè, a li Cantoni christiani 4 milia

(1) La carta 126 è bianca.